

中國地方志薈萃

西南卷·第五輯

玖

《中國地方志薈萃》編委會
編



九州出版社
JIUZHOU PRESS

全國百佳圖書出版單位

民國餘慶縣志

出版說明

民國餘慶縣志

陳銘典修 李光斗纂

本書四卷，據民國二十五年（一九三六）石印本影印。

序

嘗考三墳五典記三皇五帝之書八索九邱載八澤九州之志朝代興替有鑑可稽山川名勝按圖可考要皆畧而不詳纂而不實究不若誌乘之詳明且卷去華崇實者也然何以誌誌者記也有省誌焉有府誌焉有縣誌焉而曰誌其建設之沿革氣候之寒暖災祥之妖異物產之豐備以及文人墨士世家巨族忠臣孝子節婦義夫莫不條分縷析如文獻通考實故具載焉耳銘典曩昔治軍粵桂官游楚黔靡不徵求縣誌省察風土民情凡道政齊禮率為圭臬丙子春余奉命率餘於關衝視軍檢閱冊籍即搜求舊有縣志竟杳若黃鶴遍訪遺賢耆老所存如寒火一炬僅得藏於孔壁中之斷簡殘篇而矣隨召集紳耆討論如知民十八九年間中央通令各縣續修縣志甫脫稿而匪患頻仍赤地無糧東之高樓之村割剝今秋狼烟已靖理宜謀諸印刷已成完璧庶無缺憾余守此土時逢其會竭力勸導俾告厥成敢不敏而叙諸端倪以誌不忘云耳

餘慶縣縣長陳銘典



識

原叙

事僅作於始固未見其為功事不成於終不惟前功盡棄將一世以及萬萬世漫漫長夜日處于草昧而不自知矣吾人生居近代將前人所未竟者而卒成之亦踐土食毛範圍內應盡之事夫何目空千古調然自以為功哉粵餘慶縣志初編於康熙五十二年繼編于民國十六年推原厥始未嘗無作也甲戌秋予奉命宰餘公之暇向地方人士取縣志溯讀僉曰縣志固有惜僅就篆本末諸閣尚未付之剞劂耳予乃奮然起商之前後財政局長曾崑山張世祺文獻委員長汪紫緝教育局長曾仁宇及男女校校長湯續丞黃旭東等釀成資金將民十六編就原篆入省覓書局搨印去後製訂漢裝四冊別類分門有奈不索前人有賢將含笑於九泉而喜吾輩為之卒竟厥功矣後之君子問世而出肯以續緒榮名獨讓吾輩展之也耶爰為叙之以待再續其後者

民國二十四年己亥春知餘慶縣事鳳城才之王天生謹叙

鑒者叙

晉人上繼千古下開千古中載天地人物治亂災祥廢盛落落如日月皎然雖游夏復生不能進退一詞若史也然有史必有志無志不成史故夫志也者不志則已志則上下千古關係綦重志之為用顧不大且久乎稽餘慶縣志創於清康熙五十二年可謂上繼千古者也民十六雖云續修惜事未靖以致下開千古於願不酬今者王公才之以帥千之資踵諸大夫之後米寧餘邑鑒夫既有繼往不為開來後之人將無所據爰糾起地方縉紳人士將民十六未竟之功赴諸來梨簪裝以藏厥事籌畫中以修飾重負下昇於予愧不敏曷堪任焉祇以風虎雲龍莫容却楚侯衣冠亦不有計前之君子上繼千古已不我知當不我咎後之君子下開千古勿以螳臂擬我是亦幸已

民國二十四年己亥春清己酉科選拔歷任川湘黔縣知事清溪楊玉潤謹識

凡例

一本志書共裝訂四冊採用續修貴州通志草例連雜志一項別分一十九門

一本志書天地人物災祥治亂皆以民十六時間為止故內中如貞女節婦尚有現年若干歲之記載餘可類推

一在民十六以前未有之事至民十七以後乃有之者不一而足學校一門如高小女學武備一門如保衛團縣指揮部及區隊各中分隊風土一門如方物中之銀耳因未及載一民十六志稿編成將赴刻因事未果繼後頻年多故未暇續編今所印者因至十六年止一本志書一十九門門內分類

輿地志山川 河道

建置志沿革 城池 公署 公所 郊寨場市 驛傳 關津 郵局 電局

前事志

秩祀志上祀 中祀 庫祀 附寺觀

食貨志戶口 田賦 關釐 經費 蠲恤 積貯

職官志官制 文職官表 武職官表

學校志 學宮 學制 學額 書院 義學 學堂

選舉志 恩貢表 文進士表 武進士表 文舉人表 武舉人表 拔貢表 副貢表

武備志 兵制 國防 保甲 警察

風土志 氣候 風俗 方言 方物

經業志 林 礦 商 工

官蹟志

鄉賢志 德行 政舉 文學 忠義 制兵死事名氏表 民兵死事名氏表 隱逸

烈士志 節烈 節烈名氏表 貞孝 賢明

藝文志

古蹟志

耆壽志

土司志 苗蠻附

雜志 因無門類可歸而有事實可稽故入雜志以備查考

汪紫穉

里人李光斗纂輯

毛肇顯

清溪楊玉潤校訂

提倡續修士紳

張明權
曹崑山
已故

經理完竣士紳方賢忠

胡永清

曾啓芳

湯續丞

黃旭東

陸大中

餘慶縣全圖





續修餘慶縣志輿地志第一

毛肇顯纂

疆域圖說

餘慶地跨烏江為楚蜀往來必由之要道原注府志面積南北廣四十里東西長二百里前明迄清龍溪一帶均為黃平屬地治理頗為糾紛自民國三年一經劃撥龍溪小總各地始為餘屬不惟治理上減少繁難而學校實業諸要政亦便於舉行矣（附圖）

餘慶縣疆域轄境分界

東至偏橋八十里

西至瓮安西堰七十里

南至黃平一碗水二十里

北至石阡馬湖堰六十里

東南至黃平梭洞四十里

東北至石阡萬壽司七十里

西南至龍泉花水一百九十里

西北至湄潭牛齒田貳百里

距省城三百六十里 距首都五千一百二十里 蔣志

東至石阡府界三十里

西至瓮安縣界五十里

南至黃平州界二十五里

北至湄潭縣界一百八十里

東南至鎮遠府施秉縣界三十里

西南至黃平界四十一里

東北至石阡府界五十五里

西北至瓮安縣界五十五里 通志

餘慶四至準地勢而論似當以餘慶縣舊將志為的惟所載四隅謂西南至龍泉縣花水一百九十里或恐誤蓋餘慶與安壤地相連並在平越之北其自餘慶東境折迴而南則為黃平一州之境龍泉縣自在餘慶之北無緣越過此三州縣地而為餘慶之西南也故當從志至黃平界為近是又黃平州境雖當餘慶之南却未能更迤邐而西直蔽平越北境以云為餘慶西南者恐仍未的當此以平越州界為確也 平越志

計康熙五十四年八月清廷派西洋費大臣內務府雙郎協同繪畫與圖經丈里數計開於左

東自縣城至平息舖十二里平息至老渡十里老渡至紫蓋關十里接施秉縣界
南自縣城至新村舖十里新村至一碗水十里一碗水至龍洞舖十里龍洞舖至龍坡十里接黃平州界

西至縣城至玉虛洞七里玉虛洞至中關十里中關至小腮十三里小腮至狗場十里狗場至岑黃驛十里岑黃至岩門渡十里岩門至箐口十里箐口至餘慶司二十里餘慶司至爛口哨五十里接湄潭縣界

北至縣城至巴家寨二里巴家寨至滿溪五里滿溪至龍林五里龍林至官莊五里官莊至罵溪五里接石阡府界

南北袤四十里 東西廣二百一十里 蔣志

又按餘慶現時環境以前所載四至西北兩面頗相脗合查南出十二里即黃平屬之第六區大坪何得由縣城四十里抵及龍坡始接黃平縣界東出平息舖十二里即非餘慶所屬又何得必越紫蓋關終接施秉縣界抑或康熙時繪圖所載地名多誤姑辨存之